





Is ex libris fratris Bonifacii est qui pro comodo suum  
et cuiuslibet christicola bene utentis huc repositus est. petebat  
pro anima eius anime suffragium ex charitate.

Martinus contra Emserum

Item Emser contra Martinum

Item Emseri bedingung auf lutheris widerspruch

Item Emseri responsio contra Carlstadium

Item Emseri contra falsioniam Ecclesiae / lutheri

Item Ertzei von der fruchte Evangelische lebes  
durch wolfgang Kedorffer

Item was M. luther vor sich man sein

Item de ratione disputandi petri Mosellani

Item Excusatio Eckii contra Melanctonem

J. q. 143.

# Emser bedingung

auff Luters oisten widerspruch



Idem ad Aegocerota suum  
Parue caper, non parua subis, sed gratia parua,  
Quin tibi nulla nisi pessima vulgo datur.  
Macte caper, sanctis calamum conatibus vrge:  
Quod tibi terra negat: coelitus astra dabunt.



## wiewol ich Jeronymus Emser

priester/den Kriegischen handel/zwischen Lutern vnd mir/  
vnd sachen vnsers heiligē gloubens /schwebende Jungst  
In meynen quadruplica zum rechten beschlossen/vnd zu  
erkenntnis gestellt hab. Noch dann die weyl sich Luter vor  
der vrteyl befaret/vñ derhalben den artickel Sant Peters  
spruch belangend/offentlich widerrufft/vnd mir nachlas-  
set/das vilgemelter spruch Petri / Namlich Ir seyt ein Ko-  
niglich priesterthumb i pe. z auff zweyerley priesterthumb ge-  
lawt hab/ Them ich solchen seynē Widerspruch an vor ein  
Bekentnis vnd vberwindung da von ich öffentlich protes-  
tir vñnd Bedinge/

Ob er nu sprechen wolt es wer sein spot gewesen/(als er dān  
zu maleyn honyscher spotyscher monch ist) so strafft yn  
doch seyn eygner müdt/dann er spricht ye mit aufgedruck-  
ten worten/das er das thue auß ganzē Ernst / vñ die sache  
In der werheyt vorhin nit recht angesehen hab /

Wo es dān die warheyt/vñ seyn ganzer ernst ist/So muß  
ye das yhen/das er gemeltem seynem widerspruch hynden  
angeflickt hat(dar ynn er das ein widerumb außloschē/vñ  
Beweysen will das nit mher dān eynerley priesterthumb in  
der Christenheit sey) nit seyn ernst/sonder seyn schympff/  
nit die warheyt sond erlogē sein/de qlibet.n. est vel nō est zē

Die weil er aber vor vnd nach gethanē widerspruch/vil bo-  
ser karten außgeworffen/vnd des vngetrawē nachpawrs  
mit mir gespilt hat/ Muß ich im die bletter eyns teyls zer-  
reyssen/vnd ehe das ich weyter vonn seynem widerspruch  
handle/zuvor dē vngelimpffden er mir felschlich auffge-  
legt/widerumb von mir schießen.

Distlich spricht er/wie er auff vil gedachtē spruch Petri ge-  
bocht vñnd gesagt hab/das alle Christen priester seyn/vnd  
die so man izo priester nenne / nit priester / sonder ministri/

Episcopi/et presbyteri etc. Da hab sich Emser auffgemache  
vnd gedacht/ vorlieren wir die priesterschafft vnnnd wurde  
vns das handwerck geleyet/ so mochten Kuchin Kalt/ vnd  
Keller gar lehr werdē. Vñ auß solicher eehafftiger not/ hab  
ich wider In zustrayten furgenohmen /

Eynayna Bruder/ es gepurt nit dir sonder mir meyne wort  
zu dewten/ vnd vrsach anzuzeygen / warumb ich mit dir  
auff den plan kōmen sey. Wiewol ich dich wider ab der ban  
vorloren hab/ vnnnd weyß nit in welches loch du dich vor  
krochen/ oder wo dich der tewffel hingefurt hat/ Derhalbē  
die weyllich dich auff der bon nit finde/ vnd dannocht bey  
stymme hōr: ( dann du gleych wie ein wilder Behr auß dem  
Loch herauß bromest ) muß ich gleych wie etwan Narcis-  
sus mit Echone alleyn mit deynem widerschall kōssen/ vñ  
sag ostlich das du solch vrsach felschlich auff mich er-  
reicht hast / Dann wu du deyn reformation im anfang al-  
leyn auff Kuchin/ Keller/ oder annder vbermüssigkeit d̄ geist-  
lichen gestelt herrest. wolt ich so baldt mit dir gestimmet /  
vnd vleyssig darumb gebeten haben/ Wo der Bapst nit ein  
gemeyn concilium beruffen wolt/ welches im aleyn zusten-  
dig xvij di. p totū Das als dān der Keyser sampt den Erz-  
Bischoven in Germanien / ad quos spectat provinciale cō-  
gregare concilium xvij di. c. i. et c. quoniā quidem/ ein son-  
der Lanconcilium durch die ganzenn Teutschchen nation  
Beruffte/ darauff die geistlichen gevordert/ vñ was do stref-  
lichs oder vnzimlichs vnder inen eyngewurtzelt wer/ mit  
gemeynem rat widerumb außgeroden/ vnd den dingen allē  
maß gegeben wurd. Wie vorzeyten Keyser Carolus d̄ groß  
ein solich concilium provinciale zu Franckfurt am Mon/  
Keyser Ludwig zu Ach / König Ludwig seyn Son zu  
Menz/ Keyser Otto der ost zu Yngelheym/ Heinrich der  
ander zu Bamberg/ Lotharius zu Wirzburg / vnd ander  
mher/ alle hochseliger gedechtnis gehalten/ den clerū refor-  
mirt/ vñ inen mit allen dē d̄ geistlichen leuten zu gepure-  
nach inhalt der alten canones ein erber zimlich maß sa-  
gung vnd ordnūg gestelt/ also das sie sich weltlicher pomp

vnd hennel entschlahen / der kirchē vnd ires gebethes auß  
warten / vnd sich eyn yzlicher an eyner pfrund / nach dem  
seynd stand / kunst / oder adel eruoordert hat / müssen benugen  
lassen / Wolche Keyserliche sayung vnd ordnūg (demnach  
bey allen obgemelten conciliē ein Romischer legat geweest /  
oder der Papsst seyn volmacht eynē Erzbischoff dartzu ge  
geben hat / als Bonifacio vnd Rabano ) nachmaln von dē  
Bepsten in das geistlich recht decret vnd decretal vorleybe  
worden ist / Wie wir obgemelter Keyser nhamen vnd titel  
daruber lese x di. de capitulis xix di. in memoriam. lxij di.  
vt nullus xvi. q. i. quia iuxta de extra de Jura cal. c. i. cum  
similibus. Warumb salt dān diser izige Carolus nach dem  
fußtritt seyner vorfaren nit ouch macht habenn ein solich  
conciliū zuberuffen lassen / vnd durch hilff vnd rat d̄ Thur  
fürsten / Fürsten vnd andern stennnd des heyligen Reyches  
mit den geystlichen vorschaffen / was sie an der obgenantē  
ordnung vnd sayung ( Von Bepsten vnnnd Keysern besteti  
get ) seynd der zeyt vbersthitzen / oder wider billicheit vnnnd  
die alten canones furgenomen das dasselbig widerumb ab  
gethan / vnnnd der alten loblichen ordnung ( die noch hewt  
bey tag zu Wirzburg auff den Thūß in der liberey ligt vnd  
heysset regula canonicorū ) gestrackt nachgegāgen wurde

Es sint ouch noch / vngez weynelt vil fromer Bischoff vñ  
prelaten in tewtschen landen die gern dareyn willigen vnd  
getrewlich dartzu beratten vnd beholffen seyn werdenn / da  
mit der geystlichen mißbrauch ( wolcher diser ding aller eyn  
ursach ist ) widerumb gemessiget vnd gebessert werde mog

Aber du Luter gedencst auff Keyn besserung / mittel oder  
messigung / sonder aleynd das priesterthumb gar zu tilcken /  
Vnd wie wol du vns selber diner / vnd ministros ecclesie nē  
nest / noch wilt du vns ouch vnser zimlichen gestifften lid  
lones ( wider das Ewangeliū vnd sant Pauls ler ) entse  
zen / spolijeren vnnnd vns all zum land auß jagenn / damit  
du bey dem gemeynē vngelorten haroffen / dester Bas triup  
hiren / vnnnd dich selber wie Julianus der apostata fur eyn  
A iij

abgot auffwerffen mogest. Wie du dich bereit mit eym dia  
dema abcontrahyrt/vn den heyligen geyst vber dir schwe  
bend/malen lassen hast. Die weil ich dann/dis vnnd ander  
deyn vnchristenlich furnemen tzeitlich bey dir gerochen/  
Hab ich nit vmb vertedigung kuchen vn keller / die bey mir  
gering vnd messig sint/Sonder vnserm heiligen glc ubē zu  
sterck/vnd dem gemeynen einfeltigē volck (des mich erbar  
met) zu getrawer warnung vnd vndericht/wider dich als  
ein öffentlich erclerten Ketzer zu schreiben angefangen/sch  
reyß nu zu lateyn vnd tewtsch lenger dān zwey ganze iar/  
auffmeyn eigen cost vnd arbeit / vn wil schreyben die weil  
mir got gnad vnd lebtag dartzu vorleyhen wirt / Dawider  
hylfft keyn drowen/keyn schelten/keyn spoten/keyn singē/  
keyn schandtuch noch keyn lugendichten / Es wandern  
ouch meyne bucher got lob frey vnnd öffentlich durch die  
ganze welt/so man dir die deyne vorbrent hat/vnnd weder  
sie noch du sicher/oder frey an das liecht kōmen dorffen /

Also hast du die rechten eehafftigen not vnd vrsach warūß  
ich mit dir zu streiten angefangē/ Das du mich aber furter  
beschuldigest/wie ich dich dem tewffel ergeben hab/ist ges  
schehen mit vnderscheyd/wo du von disem Ketzerischē fur  
nemen nit ab stehen/vnnd dich deynes muter der heiligenn  
Christenlichen kirchē nit vnderwerffen wurdest/Wolches  
fals ich dich im nit geben darff/dann du vorhin seyn bist/  
mit leyß vnd mit seel. Firmissime. n. teneo cum Cipriano et  
Augustino tuo q̄ extra ecclesiam catholicam non est salus/  
precipue his qui eam ex contemptu audire noluerint / que  
tua est temeritas .

Das ich aber zweyerley priesterthumb erfunden/vnnd dich  
dasselbig/wie du sagest/ouch also zubekennen gezwungē/  
hab ich nit auß meynem kopff/Sonder auß den liben alten  
veteren geschopfft/Vnd vorwüderet mich was du doch vor  
ein man seyest/das du hie sagest/ob gleych ezliche Veter ge  
melten spruch Petri auff die Römischen priesterschaft ge  
dewt hettē/so zwing es doch nit/dieweyles ein bloß mēsch

lich deuten sey. Vnd bekennest doch in vilgemeltem deynē  
widerspruch / das nit aleyne die alie veter sonder Sant Pe-  
ter selber sein spruch auff zweyerley pusterhüb gedewt hab

Du sagest ouch wie ich eytel veter spruch / vnd keyn schrifft  
gebrauche / hab mich eins. schneyden den schwerts beromet  
vnd greyff das nit eyn mal an / daran sparest du die war-  
heit / dā wie kommē wir zwē zusammen dān vber der schrifft  
das du die selben deyns mutwillens deuten wilt / Vnd ich  
den bewerten alten veteren anhang / den mher zu gloubē ste-  
het dann dir oder mir / Darumb ich mir ouch disen vorteil  
im anfang außgedinget hab / das ich nit aleyne mit dem  
schwert / sond ouch mit spies vñ degē mit dir fechtē wolt /

Aber deyn schrifft ist nichtit dān spotisch vnd lame gottē /  
ich ließ mich das nerrisch ansehen / das was mir noch vill  
nerrischer zē Liber meynst du das deyn geduncken schrifft /  
oder ich daran gesetiget sey / das du mir alle meyne wort so  
listiglich vorkerest / Warūb zeigest du mir nit an wo ich ge-  
schriben hab / das mann die scheyden in die schneyden stec-  
ken sollt / Oder das eynem zu dem geistlichen oder leypliche  
vorstand von noten sey / das er zuvor in der gnad lebet / So  
ich doch vor dreysig iaren wol gewust das der tewffel dā  
rumb demon das ist so vil als sciens oder eyn wissender ge-  
nent wirt das er mher yn der schrifft weyßt / dann du oder  
ich. Wie man aber Sant Pauls spruch do selbst auff dreyer-  
ley weyß vorstehenn mog / hab ich yn meynen quadruplica  
clar gnug geschriben do bey ich es bleyben laß.

Das du aber sagest / mit der weyß mochte ouch der kachel  
offen lebendig machen / vnd deyn tinten faß todten / Bin ich  
dir gestendig / Dann meyn kacheloff hat myr dysen winter  
vil lebendiger heymen oder gryllen gemacht so halt ich das  
du mit deynen tinten vñ feder / vil mher volches vorlegt vñ  
getodt habest dann Hanibal oder der groß Alexander mit  
yrenn schwercenn /  
Du wegerst mir ouch vnbillich das Salz eyn puster be

bedeut yn sensu mystico / Dann wän du so naßweyß werest /  
als du dich duncken last / hettest du dir diese auflegüng wol  
natz machen mogen / zuuor an do hernach geschriben stet  
q̄ si sal euanerit rē Die weyl dir aber dysse bedewtung so  
gar frombd ist / vñnd du mir so ich dir schriffte angeyß /  
nit gloubenn wilt / muß ich dich aber furt weyßenn an die  
scheydesrichter die liben alten veter / dā ich sich doch wol  
das ich deyn schulmeister seyn / vñnd orst eyn rechten theo-  
logum auß dir machen muß ob ich gleych ein kleynē danck  
vmb dich vordine / Darüß so hore zu / vñnd die weyl du dich  
so gar from vñnd demutig stellest das du ouch von frawen  
vñnd Junckfrawen lernen wilt / So lerne ouch von deynem  
Augustino / lib . i de sermone in monte / et sermone xxxvi ad  
fratres in heremo / wie ouch Celius li . iij cap . xij ein ander  
stell in Augustino angeyß das Christus durch den spruch  
Je seyt das saltz der erden nyemant dā die Apostel vñ yre  
nachkomen die priester gemeyn hab dadurch das gemeyn  
volck mit guter ler vñnd exempel gesaltzen vñnd geriben wer-  
den soll. Also schreybet ouch der heilig Jeronimus vber die  
obgenanten wort Mathei quinto / Vñnd wann du das de-  
cret nit vorbrēt hettest / Wolt ich dir ein canonem geweyß  
haben ij q. vij Non omnes Episcopi do dir die glos saget  
was dz doll oder vordorbē saltz bedewt / Wolcher glos du  
vngeweyuel glouben geben wurddest / dann sie nit ein Ro-  
manist sonder eyn tewtscher gemacht hat .

Vu schrey du nu aber ein mal zedter vber Emser er bringe  
dir keyn schriffte sonder eytel veter spruch / so wird ich sprec-  
hen du lewgest / als dein art ist / dā ich bring dir allweg vñ  
orsten die canonischen schriffte / darnach orst den rechtē vor-  
stand auß den liben alten Veter / kanst du mir nu dergleich  
en / ouch schriffte angeyß das Weyrouch den caplan / was-  
ser den kuster / ferner den schulmeister vñnd strow die schuller  
bedewt / ist billich das ich ouch was vñnd dir lerne / Ich mein  
aber du seyst ein yar oder zwey mit den zigeynen ym lande  
vmbgezogen vñnd soliche rotwellige sprach von innen be-  
griffen / dā bey den gelortē lawt es zu mal nettisch vñ sine  
eytel. Straschka damit du vmbgehest / hast dych selber fur

ein Tyrischer yn der schrifft außgebē/ Vñ so es zu dē streych  
en komet vorsetzest du mit blossen kopff/vnnd bestehest wie  
die nackendē mendleyn/ Darumb so wil ich solich dein nar  
renweck fallen lassen / Vnd wider komen auff deynen ob  
gemelten ernstlich widerspruch/ der also lawt.

Ich Martinus Luter bekenn / das ich eyntrechtiglichen  
mit dem hochgelarten hern vn̄ gotes priester her Jeronimo  
Emser stymē/ das der spruch Sant Petri/ nit aleyñ vons  
der geystlichen sonder ouch vō der leylichen oder dz ichs  
auff clerlichst sage/ vō aller priesterschaft / so yn der Chri  
stenheyt ist/ zu vorstehē sey / das red ich auß ganz ernst /  
den ich hab yn d̄ warheyt zu vor die sach nit recht āgesehē/

*Renovatio Lutheri*

Zu weyter bekräftigung dises widerspruchs bit Luter hie  
nyden alle seyne gute frund sie wollē ym den nit fur vbel ha  
ben/ angesehen / das die warheyt billich vor allen dingen /  
recht habē sol/ Damit er ye clerlich genug anzeigen / dz dis  
seyñ bekentnis von zweyerley priesterthumb die lawter war  
heyt vnd seyñ ganzer ernst sey.

Derhalben so habe ich vilgemelten widerspruch nit on ur  
sach/ hie oben mit bedingung angenommen / Vnd nhem den  
an/ itz als dān/ Vnd dann als itz / vor ein öffentlich bekent  
nis / vnd vberwindung vnd demnach er bit/ das meniglich  
helffe daruber halten wer do helfen kondt/ So will ich yn  
ouch halten das er schwigen soll.

Das er aber sagt er woll beweyssen mit ernst vnd vnangefecht  
iglich/ das ich selber mit meynem geistlichen vorstand er  
zwinde / das alle Christen ouch leyliche priester seyñ / vō  
Bischouen geweyhet/ vnd mogen alle an weyter beuelh ob  
beruffen predigen meshalten/ vn̄ alle priesterliche ampt pfe  
gen / Bin ich ym nit gestendig / dann ich dise seyñ ketzerische  
meynung yn all meyn Buchern angefochten hab. Dartzu so  
stehet seyñ beweyssung auff eym eynigen betruglichen vnd  
sophisthischē argumēt/ Wolches ich Im leychtlich brech

B

en/ vnd seyne Buchenstück meisterlich am tag vringen wil.

Er arguirt also/ Sant Peters spruch hab gelawt auff die  
leyplichen priester/ Vnd der selbig spruch hab ouch gelawt  
auff die geistlichen priester/ Darumb so muß leyplich vnd  
geystlich ein ding vnd wir alle gleyche priester seyn / mogen  
alle predigen/ meslesen/ vñ andere priesterliche ampt pflegen

Eynayna du falscher sophist/ es gilt nit vberredens vnd  
last sich nit arguiren a diuisis ad coniuicta quoz auß dis  
ortes als in predicatis accidentalib⁹ / Wie vns Aristoteles  
leret in ij perihermenias / darumb du dem hochgelarten phi  
losopho so grä bist. Dān wie dein Augustin⁹ bezewget / So  
hat vns Aristoteles vñ aller ortē gelert / wie mā die falsche  
schlus redē d̄ sophistē / widerüb entschliessē vñ sie vberwidē  
fā / Zū andern / gleych wie nit volget d̄ Esel ist ein thier / vñ  
der mēsch ist ouch ein thier / ergo der Esel ist ein mēsch. Also  
volget ouch nit / Die leyen sint priester / vñ die geweychte sint  
ouch priester / ergo die leyenn sint alle geweychte priester / mo  
gen allmeslesen predigen r̄. Et enim necesse est vbi duo cō  
ueniunt in aliquo tertio q̄ propterea inter se sint eadem . p̄  
cipue hic / vbi solum nomen sacerdotis vtriusq̄ cōmune est /  
ratio vero diuersa vt infra docebo . Zum dritten so wilt du  
ex puris particularibus schliessen Vniuersalē Wolches so  
ein loß argument ist / das ich mich schier von deynen wegen  
scheme / Liber wie woltest du ein Aristotelem in eym halbē  
Jar leren / so du yn doch selber nit kanst / Ja es sint noch vil  
Bucher in Aristotele die du dein leben lang nye geschē hast.

Byemir so ligt deyn Beweyffung die du doch bey dir selber  
fur vnansfechtlich gehalten hast / mit allem heyl dar nider  
Vnd bleybt die sach noch bey dem gethanen widerspruch /  
namlich das zweyerley priesterthum yn der Christenheyt  
seyn / eyn gemeyns vnd eyn sonders Wie ich izo abermals  
vonn neuen bewern. vnd vhest vber deynem widerspruch  
halten wil.

Das wortleyn sacerdos ( welches noch dem gemeynen

Branch vortewschet wyrt eyn priester ) hatzweyerley an-  
kunfft oder vrsprung / D:stlich ist sacerdos so vil als sacris  
vel deo dicatus. Das ist eyner der do got geeiget vnd geheyliget  
ist / Vnd diser bedewtung nach / seyn alle Christē gleich  
he priester / sie mogen aber nit alle meslesen predigen oder an-  
dere sacrament handeln. Dann wie Jeronimus saget so ist  
dis priesterthumb nichtz dann der tofff / durch den wir  
Christo vnserm hewpt / als eyn priesterlich volck / vnd geist-  
licher corper / all yn der gemeyn vnd yder in sonder eyngel-  
eybt / vorpflucht / geeiget vnd geheyliget werden.

Et secundum hoc Leo papa ser. iij. pontificie sue assumpti-  
onis predicta verba petri vos estis regale sacerdotium &  
tractans sic inquit. Vniuersitas quidem ipsa sacerdotia-  
lis est, distinctis tamen ordinata gradibus, In Vnitate enī  
fidei et baptismatis indiscreta nobis societas et generalis  
est dignitas omnes enī in Christo regeneratos crucis sig-  
num efficit reges. Sancti Vero spiritus Vnctio consecrat  
sacerdotes, Sacerdotij tamen siue pontificij sacramentum  
effuso benedictionis vnguento copiosius quidē in superio-  
ra profluxit, sed nō parce in inferiora descendit, Quid enī  
tam sacerdotale q̄ vouere domino conscientiam purā &  
inmaculatas pietatis hostias de altari cordis offerre: hec  
Leo, Cui cōcordat Ambrosi⁹ in lib. de mysteriis initians  
dis vbi ait. Omnes quidem reges sumus, omnes sacerdo-  
tes, sed quemadmodum regnū hoc spiritale est, sic & spiri-  
tale sacerdotiū Hec Amb. Quare non sequit omnes Chris-  
tiani sunt sacerdotes in sensu mystico & spiritali Ergo om-  
nes sunt sacerdotes proprie dicti siue ecclesiastici Comitti-  
tur enim fallacia equiuocationis eo q̄ sacerdos equiuoce  
dicatur de vtrisque.

Also hat es onch eyn gestalt mit dē wortlin geistlich wole-  
hes enchz wispeltig ist. Derhalben wo ich in meynen vor-  
gē buchern dis gemeyn priesterthūß geistlich / oder die leyhē  
B ij

geistliche priester genēt hab/ich das wortlin geistlich nit ge-  
nomen p ecclesiastico wie wir geweychtem geistlich heys-  
sen secundum communem usum loquendi sonder p mysti-  
co seu spiritali das ist dem geistlichen syn nach/darauff der  
leser acht geben muß/Dann Luter wil mich da mit fahen/  
gleych als het ich die leyhen auch geistlich genent in der be-  
deutung Wie wir geweychte geistlich heissen/Vñ darauff  
schliesse d; wir alle gleych geistlich seye/ich gestehe im aber  
d; schwēck nit/dā er mit eytel purlugi vñ fallaciē vmbgehet

Zum andern so bedewt das wortlin Sacerdos (Dionisio z  
Augustino testibus) so vil als sacra dans vel docens/das  
ist eyner der die heyligenn ding als die sacrament vñnd das  
gesetz gotes leret/handelt/wandelt/dispensirt vñnd austrei-  
let. Vñnd das ist nit ein gemeyn sonder ein sonderlich priester  
thumb das noch vil hoher vñnd würdiger ist dān das orst/  
vñnd man anderst nit erlangen kan dann durch die hend der  
Bischoff vñnd das Sacrament der heiligen weych/wie ich  
in meinem orsten buch mechtiglich bewert hab. Von disem  
priesterthumb redt der prophet Malachie ij /Do er sagt Die  
lippenn des priesters bewaren die kunst / vñnd auß seynem  
Mund sollen sie erforschen das gesetz/Dān er ist ein Engel  
der spiz des herren / Donn disem priesterthumb Redt ouch  
Sant Paul hebre. v do er spricht. Nyemāt soll im dise Ehr  
selbs nhemen/er werde dann dartzu beruffenn wie Aaron e  
item Ro. x. Wie solle sie predigē wan sie nit gesent werde.  
dannes soll nyemant predigen er werde dann gesent/Wie  
vns priester/die Bischoff so sie vns geweychet habenn auß  
senden/vñnd sprechen an der stat Christi Ite in orbem vni-  
uersum et predicate zc. Von disem priesterthumb redt ouch  
Sant Paul i cor. xij et ephe/iiij do er sagt Got hat gegeben  
ezlich zu propheten/ezlich zu aposteln / ezlich zu hyrten  
vñnd regirern der kirchen zc item actuum xx Sehet eben auff  
fur euch vñnd ewer hert/daruber ouch der heilig geyst gesetzt  
hat zu Bischoffen vñnd zu priestern/ Donn disem priester-  
thumb redt ouch der heylige Jacobus yn seynen canonica  
cap. ultimo. Ob eyner krank wurd vñnder euch/der laß im

Bringen die priester der kirchen vnd sie sollen fur In Bittē vñ  
wolchem gebeth der priester ich hienyden weyter sage wil.

Byemit will ich abermals Luters widersprach bevestiget  
vñ beweyst haben/das zweyerley priesterthumb in d̄ Chris-  
tenheyt sint eyn gemeyns vnd eyn sonders/ die beyde geist-  
lich genent werdē mogē aber auß and̄n vñ andern vrsachē/  
Vnd das das wortlin priester/ wo es aleyn stehet/ tanquā  
analogum pro suo significato famosio: e aleyn von den ge-  
weychten p̄stern/ vnd nicht von den leyhen vorstandenn  
werden soll wie der gemeyn Brauch in der Christenheyt nu  
bey funffzehen hundert iaren gehalten hat/ Wie oach In  
gleychen fal durch das wortlin Apostel wo es aleyn stehet  
nit die zwolff/ sonder aleyn Sant Paul bedewt wirt/ prop-  
ter excellentiam apostolatus sui.

Das aber Luter sagt/ wie Casel/ Kelch/ plat vñ dergleichen  
en außwendige zeychen nicht zu der sach thuen. Mocht  
er ouch wol sage/ dz wasser (wolches ouch eyn außwendig  
zeychen) thette nicht zu der touff. Ich sage aber das die  
mess nit anderst gehalten werden soll oder mag/ Dann wie  
Christus selber das brot vñ den kelch nach der ordnung  
Melchisedech/ vnd die Christenlich kirch die kleydung sey-  
nem bittern leyden zu gedechtnus auß dem alten testament  
Vñ nach dem exemplar das Moyses auff dem berg Si-  
nai gesehen hat exodi xxv. er heb viij dartzu verordnet vnd  
gesagt habē/ wie ich in meynem o:sten buch mechtiglich be-  
weyßt/ Vnd mit Luter bis auff den hutigen tag/ mit keynē  
guten grund hat vorlegen mogen/

Das er aber sagt er wol sich selbs demutigen gern von frau-  
en vñ Juncckfrawen predig horen/ ist eyn zeychin das er  
Paulum noch nit gar gelesenn/ der solch ampt denn wey-  
bern mit außgedruckte worten verboten hat I cor. xiiij et I  
timoth. ij Ja allermeniglich/ außgenommen die so sonder-  
lich dartzu geruffen/ geweyhet/ vnd gesent werdē/ wie obē  
beweyßt ist. auff das vomute das Luter zu mir treget Wo

B ij

ein hupfch lungß glat medli zu mir kem/ich wurd. der ab-  
solution vnd ein solchen beytrater gern gewertig seyn /  
will ich izo nit antwurtē/ Dān mich Aristoteles gelet hat  
q̄ nō est respondendum cuilibet positioni fatue. Ich weyß  
mich meynen Kewtheit gar nicht zu romen / vnnnd bekē  
mich selber fur ein armen sander/ wolcher aber ane sund sei  
der werfe den orsten steyn an mich.

Surter fahet Luter an orst recht zu Dondern/ vnd spricht  
Ich wil meyn rat geben/ die weyl sie sich eyner sondern pri-  
sterschafft romen oder Brusten / soll mā sie nit priester sonder  
platen treger heysen/ vnd das platen volcks alles auß dem  
Land Jagen/ dann sie als frombde vnurze gest das brot es-  
sen/ drumß nūr auß/ auß mit den Buben.

Liber Luter man weyßt zu guter maß wol wer den lewten  
ir brot abbetelt/ od sich vō seyn Kenten außhelt/ Dergleich  
en wer frombd vnd narw eynkomen in der kirchen/ oder wer  
sie von anbegyn regyrt vnnnd verwaltenn hat ich merck aber  
wol das die frombden newen gest/ den alten wirt gern zu  
fenster außwerffen wolten/ Vñ das ist fulleycht der Vater  
zum kind/ von dem du lang gesagt/ vñ dem gemeynem mā  
ein nasen gedrehet hast/ als hette dich Tetzlin mit seynem  
applas zu disem hādel vourfacht/ so du im doch ein heim-  
lichen briff mit deyner eigenn hand zugeschriben (Wie ich  
auff dich beweyssen will) er sol sich vnbekumert lassen/ die  
sach sey vmb seynet willen nit angefangen sonder das kind  
hab ein āder vater/ Das ist so vil/ dz spil solt vber vns pfaf-  
fen außgehen/ Wie du in deynem veter stublin beschlossenn  
vnd die karten darnach gemischt hast / Derhalben/ als zu  
vornuten/ ouch deyne vnd erzlicher ander orden obersten/  
nicht an ein heymliche creyd oder intelligent / dem spil so  
lang zugesehē/ vñ noch herot bey tag auff den stich haltē/  
ob dir die schantz geraten wolt/ das sie mit zu plagerē/ Es  
ist aber wol moglich wer dem andern ein grub machet/ das  
er mit der zeit selber darein fallen / vnnnd vntrew iren eygen  
Herren treffen werd.

Das du aber sagest was sol vns das platten volck/ ob was  
bedurffen wir Jr/ Magst du mit Christo außfechten/ der  
vns/ wie du selber bekenest/ seynem volck zu hyrten vnd  
dinern gesetzt hat/ mogen die schaff eins hyrten entbern/ so  
mag ouch dz volck der priester geratē. Ja es ist keyn so groß  
Barbarisch Volck auff erden gewest das nit eygen priester  
gehabt/ oder seyne priester also vnehrlich gehandelt het als  
du vns izo handelst/ Was soll ich nu sagē vō der geistliche  
gebet/ das so tag so nacht geschicht fur die gangen Chris-  
tēheyt/ Wolches du vñ deyn abgot/ nennē preculas et mur-  
mura So hast du deyne discipel gelert/ es sey vil besser des  
tags ein capitel auß der Bibel dafur lesen vñnd meditirn /  
damit du dir aber ein naw testament gemacht / Dann vil  
Augusteyner monch vñnd andere losse pfaffen bochen dar-  
auß/ lassen das gebet falenn/ vñnd gehen zu dem altar mit  
vngewaschen henden gleych wye die Sew zum Schweyn  
trog. Vnd so man sie darumb anredet bekennen sie frey zu/  
vñnd sagen sie haben das von dir also gelernet.

Das du sie aber falsch vñnd Fezzerisch gelert habest wil ich be-  
weyßen mit dem schwert. Dann orstlich vorfurist du sie vñnd  
dich selber/ das du meynst die sibē gezeyten die wir halten  
seyen nichtzit dān ein schlecht gebeth. auß wolchem gut ab-  
zunhemē/ das du die wort Pauli nit recht angesehen/ Do-  
er dem Bischoff Thimotheo beuelh gibet/ wie vñnd waruß  
mann das gebet In der kircken ordinirn soll/ vñnd sprichet  
also i Timoth. ij ich bit vmb gotes willenn/ das vor allen  
dingen/ vorordnet werden/ Letanien/ gebet/ abbitungen  
vñnd dancksagung/ fur allen menschen/ fur Konig/ Fursten  
oder alle dye in hohem stand gesetzt seyn damit wir ein ru-  
wig fridlich leben furē mogē/ in aller andacht vñ reynikeit.

Wie bestymmet Paulus viererley vrsachen darumb die sibē  
zeyten von der Christenlichen kirchen vñnd den liben alen  
veteren verordnet vñnd auffgesetzt seyn. Orstlich nennet er  
obsecrationes so mann got bey heiligen dingen ermanet als  
in den Letanien p crucem et passionem p mortem et sepul-

curam tuam libera nos domine etc wie wir dann auch alle  
vnsere collecten beschliessen p Christum dominum nostrum etc  
Zum andern nennet er orationes das sint gebet vmb gute  
ding/vmb sel vnd das leybes notturfft dan wie der heilige  
Jacobus sprichet so müssen alle gute ding von oben herab  
komen/vnnd do selbst gesucht werden/wie dann alle vnser  
collecten darauß gestellt seyn/Zum drittē nennet Paulus  
postulationes Vel deprecationes secundū Ambrosium das  
sint abbitungen/so wir got bitten fur böse ding das er die  
von vns abwenden/vnnd vns gnedlich dar vor behuten  
woll/als vor krieg thewring/pestilenz vnd aunder plagen.  
Id. n. sonat verbum deprecari. Zum vierden meldet er gra-  
tiarum actionis das ist dancksagung vnd lob got dem all-  
mechtigen fur seyn manigfaltige wolthat bey dem mensch-  
lichen geschlecht/ wie dann die hymni vnd die psalmen die  
wir beten vnd singen/nicht anders hellen dann gedech-  
nus seynes alten grundlosen barmhertikeyt wunderwerck  
vnd seyn gotlich lob vnnd ehr. Dann dieweyl nit aleyndie  
Engel im hymel/sonder auch die vogel in luffte/Der Ele-  
phant mit seynem neygen das teglich thut gegē auffgāg d  
Sonnen/vn alle thier auff erden vn im wasser/iren schopf-  
fermoghlich weyß lobē vn ehren/wie vil meher ist das pflu-  
chtig der mensch vmb des willē diese ding alle geschaffē sint/

Die weyl aber Sant Paulo wol bewust/das die weltlichen  
mit iren geschefften vnd hendeln beladen/des teglichen ge-  
bets vnnd dienst gotes nit so vleyssig aufwarten mochten/  
als sich gezymmet/schreybet er diese wort nit zu den leyn  
sonder zu den Bischouen vnnd priestern das sie soliches fur  
die ganzen Christenheyt ordinirn sollen vn sonderlich fur  
die regenten damit sie vns dester bas regirn vnd bey gutem  
frid vnd schutz erhalten mogen/

Es haben auch Konig/Sursten/vnd ander from lewt der  
halben so vil Ehrlicher gotes hewser/Closter vnd kirchen  
dartzu den pfaffen vnd Monchen reiche pfronden vnd ier-  
lich eyn komen gestift/das sie die ob gemelten siben gezeytē

ewiglich beten vnnnd singen sollen damit das lob gotes nit  
vorgessen werd .

Ja es haben ouch die alten Keyser Konig Fursten vñ herrē  
gewonlich selbs mit gesungē/den Chor regirt/vnd ezliche  
geistliche gesenge gemacht / als Carolus secundus das  
respōsorium Ciuēs Apostolorum / Der Konig von Franck  
reych mit namenn Rubertus den sequenz Sancti spiritus  
assit nobis gratia Graff Herman von Veringen Aue pre-  
clara vnnnd eyner das der ander ihens / Wie dann auß alter  
loblicher gewonheyt ouch ezliche burger in den steten vnd  
zuuor auß die vnsern all hie zu Dresden des iar vil scho-  
ner liplicher geseng vnd messen in der Kirchen singen damit  
sie ouch vor eym Romischen Keyser wol bestehen mochten  
Darumb dann got obgemelten Keysern vnd Konigen / vñ  
wegen irer andacht vnd vleys bey seynem dienst groß gluck  
Ehr vnd gut vnnnd vilfiges wider ire veynd vorlihen hat /  
Dān d̄ der grosse Carolus vor der Stat Bampilona lag  
(die iz̄ differ funffte Carolus ouch wunderberlich gewun-  
nen hat) vnnnd die mauren so vehest vnnnd dick warē / das er  
Inen nicht mocht abbrechen / ruffet er got an vnnnd denn  
Heiligen Sant Jacob / von stund an fielen vñ legten sie sich  
selbs darnyder / das er vnd seyn hör on allen sturm mit es-  
nen fiesen in die stat komen mochten also dieweil der Obge-  
nante Konig Rubertus / an dem tag des heiligē Bischoffs  
Aniani in der Kirchen stünd / den chor regirte / vnd zum drit-  
ten mal anfieng Agnus dei zu singen fielen die Mauren an  
dem schlos vor dem seyn volck lag ouch vnnnd inenn selber  
darnyder vt Lupoldus refert de zelo veterum Germanorū  
principum Difer vnd der gleych historien Wust ich got lob  
ein grossen hauffen die ich vmb kurze willen fallen laß .

Der halben so sol nyemant die Christenlichen Kirchen vor-  
dencken / das sie auff obgemelten beuelß Pauli die sibē ge-  
zeyten der massen verordnet vnd die pfaffen bey dem gehor-  
sam darzu vorstrickt hat . c. dolentes de cele. miss. Dān ob  
es gleych keyn gebot wer / so ernordert doch das die gerech

C

die keyt. vnd mogen die patron den ihenen / die ir gebet fallen  
lassen ire pfunden wider nhemen / vnd eym andern geben /

Quia inter conferentem & recipientem beneficium oritur  
contractus, ita q̄ recipiens beneficium potest & debet com  
pelli ad dicēdas horas aut si noluerit a beneficio remoueri  
arg. c. relatum, de cleri non resi, & quia non nulli & c. inter  
ac vltimo eodē ti. vt colligit Zabarella super cle. i. de cele.  
miss. Et propterea eximius vtriusq̄ Iuris doctor domin<sup>9</sup>  
Albertus de ferrarijs eas sic diffinit. Hōre canonicę sunt sa  
tisfactio obligationis contractę propter beneficium, ordi  
nem, vel officium susceptum Et recte quidem Sicut enim  
propter beneficium siue stipendium tenemur homini. ita  
propter ordinem deo ad soluendas horas prefatas

Die weyl dann gemeyner Christenheyt so vil ann dem gebet  
gelegen / Vnd / Sant Paul vmb gotes willen gebetenn / die  
Kirch bey gehorsam geborē / vñ die stifter loblicher gedech  
nis die sach so getrewlich gemeynt habē / Warumb spricht  
dann der bletzig Luter / was sol vns das platen volck oder  
was bedurffen wir ir? Aber wie soll er anderst singen dān im  
der schnabel gewachsen ist Er will vñ muß das alte sprich  
wort erfüllen q̄ omnis apostota persecutor est sui ordinis /  
Oder ist fulleycht vnsers herrgotes schwager wordē das er  
Keyns furbitters bey ym bedarff / So doch Sant Paul in all  
seyn episteln schreybt vñnd begert von allen kirchen das sie  
got fur in bitten wollen .

Zierumb so bit vnd Berman ich alle geistlichen was wird  
oder standes sie seyn / vmb gotes willen / das sie ir gezeit vñ  
beth nit aleyn nit fallen lassen / Sonder hinfurt so vil vleys  
siger vnd andechtiger bethē wollen / so vil der Christenheyt  
mher obligender not innwendig von den kezern / vnd auß  
wendig von den Thurcken teglich zustehet. Dan was das  
andechtig gebeth der priester fur das gemeyn volck bey got  
vermoge / haben wir ein anzeigung erodi xvij. do geschriben

stehet/die weyl Moyses die hand auffrecht vnnnd fur das  
volck bat/die weil lagen sie ob. Wann er aber die hand vnd  
das gebet fallen ließ/lagen sie darnider. Dartzu so ligt vns  
selber ouch nit weniger daran dann dem volck/Dann die  
weyl Tullus hostilius der dritte Romische Konig/als Ti-  
tus Linius schreibet lib. primo. mit all seynem haws vnnnd  
hawsgefinde/von dem hellischen feur vorbrent wordē ist/  
darumb das er in dem ampt oder opffer seyner goet/aleyn  
egliche wort vorgessen oder außgelassen het / vnnnd die ab-  
goet irer priester vnflays so grausam gestrafft haben / Was  
meynt ir dann das fur ein tuc vber vns komenn wurd/wo  
wir das gebet vnd zuzurauß das ampt der heiligen messen  
gar fallen ließen :

Ob aber yemant sprechē wolt/das gebet mochte wol vor-  
zeyten crefftig gewest seyn do die geistlichen fromer warē/  
Aber izo het es seyn crafft verloren vmb vnser sund willē/  
Wie dann Luter ouch darauß Stochert vnd sagt Christē  
heyt muß allwegen heylig seyn / oder sey nit Christenheyt.  
Dartzu antwurtlich Ob gleych die Christenheit alzeyt heylig/  
So sint doch die Christē alle sunder/es sey pfaff Mōch  
oder leyhen omnes enim peccauerunt et egēt gloria dei Ro.  
ij/ vnnnd darff keyner auß seyn heyligkēyt bochen. Dann es  
hat ouch Moyses gesundiget ad aquas contradictionis  
Dartzu die liben Apostel wie heilig sie immer gewest Wie sie  
dann selber bekennē vñ Joannes spricht i eiusdem i Wann  
wir sagē das wir on sūd seyen/so betriegen wir vns selber/  
vñ die warheyt ist nit in vns. Darumb so sagt Paulus heb.  
v. das ein iglicher Hoher priester der zu eynē mitler zwischē  
en got vnnnd den menschen gesetzt wirt / nit aleyn got bittē  
vnd offern soll fur anderlewt / sonder ouch fur seyn eygen  
sunde/dā er selbs ouch mit schwacheyt vñ blodikēyt des  
fleisches vmbgebenn sey. Wo nu die Christen alweg heylig  
seyn müssen/wie Luter sagt. Warumb spricht dan Sane  
Paul hic das ouch die Hohen priester vnd Bischoff mit sun-  
den behangen seyn/vnnnd derhalben fur sich vnnnd ander bit-  
ten sollen: Es haben sich ouch die liben alten veter solichs

C ij

zu bekennen nit geschemet/ vnd sich selber nye fur heiligen  
auffgegeben (wie Luter thut) sonder fur arme sunder. Dān  
also schreibet Augustinus Homelia xxxiij de Illuminatio  
ne ceci nati/ Warlich Liben Bruder/ darumb das es got ge  
wolt hat/ so bin ich ein puffer/ Ich bin aber gleych wol ein  
sunder/ vnd schlach mit euch an die Brust/ bit mit euch vmb  
gnad / vnd hoff mit euch das sich got vber vns erbarmen  
werd/ Dann dis lebenn ist nit on sund. Wolches Christus  
wol gewust/ Vnd der halben in das teglich gebeth gesetzt  
hat den articke/ Vorgib vns vnser schuld / dān wo wir nit  
teglichen sundigeten/ so bedorfften wir nit teglich bitten  
vmb vorgebung der schuld Hec Augustinus. Aber Luters  
nawe Christenheyt tregt nicht nit dann eytel lebendige hei  
ligen die nit sundē mogē/ Ob sie gleych an der Apostel vnd  
des grossen Merters Sant Lorenzen abent fleisch esse vor  
grossen vorwize/ Wider der Christenlichē Kirchē verbot/  
irer Elter vnd dises ganzen landes alt loblich gewonheyt  
vnd herkommen /

Noch ist eins dahinden welches ich nit geschweygen kan/  
namlich das erzlich vber das gebeth clagen gleych als wer  
es ein schwer ding/ so doch die schuld nit des gebethes son  
der Jr selber ist/ Dann gleych wie der mauff wan sie vol ist/  
das mel bitter schmeckt also kann in ouch das gebeth nit  
schmecken vor grosser fullerey/ dann sie vonn eyner mitter  
nacht zu der adern Ja offte bis an hellē lichtē tag sizē spilē  
vnd inn sich giessen Vnd so sie des morgen solten auffstehē  
Bethen/ legen sie sich orst schlaffen/ Wie ist es dann moglich  
das sie darnach mit follen vnd dollenn Kopfen was gutes  
Bethen solten. Zum andern schmeckt inen das gebeth  
Duch darūb nit/ das sie den psalter / do mit sie doch teglich  
vmb ghē/ gleych so wenig vorstehē/ als werer Chaldeisch  
oder Arabisch/ Wān sie aber zeyt vnd gelt das sie auff vber  
flissig essen/ trincken spil vnd ander vnzimliche hendel wen  
den/ an Bucher legeten/ Koufften inenn quinquagenas Au  
gustini vnd ander auflegung vber den psalter/ damit sie  
die grossen Sacrament vnd heymlicheit so darunder vor

Borgen doch eyn teyl vorstehenn mochten/wurd in furwar  
das gebet nit so schwer seyn vnd die arbeit nit halb so sawr  
ankomē Hiemit wil ich vō diser Materie beschlossen habē/

Furter so Luter seyn vnanfechtliche Beweyfung mit mher  
grund bevesten/vnd was neues /ein mal auff die ban bring  
gen solt/Merck ich wol das er die pfeyl all vorschossenn /  
vnd nicht mher dann das alte lied singen kan von Sant  
Peters spruch auß wolchem er ein groß gepler machet/vnd  
vordolmetschet/schir das ganz capittel / damit er Bewey  
sen will wie Sant Peters spruch auff das ganze Christen  
liche volck gelawt hab/gleich als hettē wir das vor nye ge  
hort/so es doch vorhin vber zweyntzig mal gehandelt vnd  
nachgelassen ist. damit er aber die erbeit vmb sust nit gethā  
hab wil ich im seyn lon bar vber bezalen.

Dann die weyl Sant Peter sagt das volck soll vngefelsch  
te milch trincken/Warumb menget ynen dann Luter so vil  
kerzerey vnd falsche ler in die milch/das er schier eytel mol  
cken vnd keßwasser darauff gemacht hatt:

Zum andern dieweil dem volck milch zugehort warumb  
setzt er inen dann fur starcke speys die aleynd der volkomenn  
ist heß. v. vnd bekumert das arme volck mit so hohen vnd  
tieffen dingenn / darauff sich ouch die allergelestenn kom  
entrichten mogen? Hat er nit gelesen Job xxvi Wie got das  
Wasser in denn wolcken angebunden hat / das es nit alles  
samtlich herab schiffen soll? Wolches der heilige Grego  
rius also außleget / Das durch das wasser die kunst /vnd  
durch die wolchen die prediger oder Doctores vorstandenn  
werdenn/Wolche ir kunst anbinden/nit gar damit herauf  
plätzen/vnd dem Volck nit hohe subtile/sonder schlechte  
cynfeltige vnd begreyffliche ding predigen sollen/Dann het  
te Sant Paul in seynen Episteln alles das herauf sagen  
wollen das er in dem drittenn himel gesehen/so het in keyn  
mensch auff erden vorstehen mogen. Daruß so sagt er i cor.  
ii Ich hab nit mit euch konnen reden/als mit geistlichen

D

oder enngeln sonder als mit fleyschlichen vnnnd menschen /  
vnnnd auch darumb als noch iunglingenn in Christo milch  
zu trincken gegeben vnnnd nit ganze speys. Dergleychen le-  
ret vns auch Eügenes Homelia quinta vber die wort Leui-  
tici vi do die schrifft sager wie die priester das brot auff drey-  
erley weysß bachen sollenn / namlich auff eym Rost / in eym  
tigel oder pfannenn / vnnnd yn eym Bachhoffenn / also  
durch das brot die schrifft vorstandenn wyrt / mit wolch  
er die prediger vnnnd lerer gar sewerlich vnnnd bescheyden-  
lich vmbgehē müssen / damit das brot im offen nit vorbrēt /  
vnnnd das volck wenig da von getrost oder gebessert werd.  
Dann dem gemeynem einfeltigen volck nit grosse schrifft  
von noten sonder eyn starcker vhester geloub / Sie haben dz  
exempel vnnnd leben Christi vnd seyner Liben heiligen / dem  
selben volgen sie nach / Vnd glauben was die heilig Chris-  
tenlich kirch gleubt Wie der Koler thet / so bestehenn sie tod  
vnd lebend quicnim simpliciter ambulat bene ambulat.

Ich will hie schweigen wie Luter in seyner vordolmetsch-  
ung an ezlichē ortē / do er vnsern altē glaubwürdige text vor-  
schmehet / gestolpert vnd dar neben gestochen hat / Vnnnd  
dasselbig dem Edeln Hispanier Jacobo Lopidi Stunice  
Beuelhen der wirt im die stelzen recht bestreychen / Vnd vn-  
ser alte bibel wol vor im vortedigen werden /

Das aber Luter nit gesetiget die ganzen Erwürdigen sam-  
lung der geistlichen alle bußen zu heysen / sonder sie vber dz  
auch dieß vnd kirchenrewber nennet / nymant außgeschlos-  
sen / Weyß ich izo nit grosser kirchen dieß dann ezlicher sey-  
ner Augustyner Monch die darumb yreligande grund eyn  
zeytlang her vorkoufft vnnnd zu gelt gemacht haben das  
sie lang insin gehabt / auß den Clostern zu louffen / vnnnd  
das gelt vnder sich selber zu teilenn. Wolches leychter zu  
tragen / dann wifen oder Ecker / Diweyl inenn dann nu is  
Erzbischoff Luter denn weg dartzu gemacht / mit dem  
Christenlichen buchlin das er an seyne Bischoff vñ Diack-  
en iungst außgehen lassen hat. So wer hohe zeyt das auch

vnserer Bischoff vnnd Landes Fursten / zu der sach thetē /  
in die Closter schicketen / vnnd lieffen inuentarien machen /  
ehe dan kelch / Monstrantz vnnd ander kleynoter / so die frō-  
men lewt vmb gotes willen dareyn gegeben haben / samps  
dem gelt z im tewfel fierē. Wo das ouch nit geschicht wer-  
den die vorstorben geist vnd stifter rachrach schreyen vber  
die ihenigen / die so lang durch die finger sehen / vnnd ire ge-  
stift / weder got Ehr vnd recht so iemerlich zerrissen vnnd  
schandtlich hinweg kōmen lassen. Es wer ouch hohe tzeit  
das die Landes Fursten den Eigbischoffen vnnd Bisch-  
ofen Beystand thetē / damit Lutern das cantate geleger / die  
tewtschen Pictart in ezlichenn Steten gedempfft / trucker  
vnnd Buchfierer die seyn vnnd ander schandtlicher wider  
Bepstlich vnnd Keyserliche vorbot trucken vnd außbreitē  
gestrafft werden mochten / dann wo das nit geschicht / ste-  
het werlich zubesorgen / das got ein Bewtschen vber sie vor-  
hengen werd / vnnd / wo sie die schantz vbersehen / das spil  
noch vber sie aufgehen mocht.

Enntlich Kometsich Luter vnd schrihet ihu / Ehe er vber  
den graben kōmen ist / er hab vns die zwen namen sacerdos  
vnnd ecclesiasticus abiegaget / das wir weder priester noch  
Kirchmer seyen. Vnd wir sollen ouch noch wider geben an  
vnsern danck das wortlin clerus vnnd leyenn / Ja weniger  
dān leyhen bleybē vñ also z wuschen z weyen stulē nider sitzē

Ach du armer elender ieger was soltest du vns abiagenn /  
Oder wie darffst du dich wider auff die iagt wagen / So es  
es dir vor so vbel darauff gelungen Vnnd dich der bock so  
hart gestossen hat / will ich doch vns diese drey namen auß  
deynen eigen Worten meysterlich : erhalten also schliffende.

Omnes Christiani sunt sacerdotes  
Episcopi & presbiteri sunt Christiani  
Ergo episcopi & presbiteri sunt sacerdotes

Ex alio

Omnes Christiani sunt Ecclesiastici secundum Luterum

Dij

Episcopi & presbiteri sunt Christiani  
Ergo Episcopi & presbiteri sunt ecclesiastici

Ex alio

Omnes Christiani sunt clerici secundum Luterum  
Episcopi & presbiteri sunt Christiani  
Ergo Episcopi & presbiteri sunt clerici.

Sihest du Luter Wie du vns pister / Kirch / vñ clerics Bley  
Bē lassē must / vñ nit weniger dān die leyhē / sond vil mher /  
Omnia enim hęc tria magis proprie & p excellentiam de  
nobis dicuntur. Quin omnia etiam equi uoce dicuntur de  
nobis & de illis. Quod vt de sacerdotis vocabulo supra  
ostensum est: ita nunc de reliquis etiam duobus edocen-  
dum erit. Sciendū igitur q̄ ecclesia aliquando sumitur pro  
vniuerso grege Christiano tanquam in vnū corpus in  
ticum redacto: cuius caput Christus est: vt in collecta  
dicationis auniuersarie. Deus qui ecclesiam tuam spona  
vocare dignatus es: da vt omnis hec plebs tuo nomini ser-  
uiens, huius vocabuli consortia digna esse mereatur r̄. Et  
hoc modo singulos Christianos tanquam singula huius  
corporis membra ad ecclesiam pertinere nemo vnquam ne-  
gauit nisi Luter & anser: qui nec sic quidem omnes admit-  
tunt sed predestinatorum tantū numerum. Quamuis aut̄  
omnes tam boni quam mali in dubitanter membra sint ec-  
clesię huius militantis nemo tamen veterum nec ipsa qui  
dem canonica scriptura Laicos vsquam vocauit ecclesiast-  
ticos: nec id cōmunis admittit vsus. Alio vero modo ec-  
clesia quandoq̄ accipitur pro loco sacro ac domo dei in  
qua erigūtur tituli idest altaria, sacraria, baptisteria ac alia  
vasa sacra in quibus diuina cōficiuntur sacramenta. vt cū  
dicim⁹ ecclesia Lateranēsis. ecclesia beate Marie vel Sācte  
crucis r̄. Et quia taliū ecclesiarū idest sacraꝝ ediū ac sacra-  
mētoꝝ dei regimē & administratio solis Episcopis ac pres-  
biteris cōmissa est qui etiā eo q̄ ecclesię seruiunt de ecclesie

bonis viuere debent vt manifeste docet Paulus i cor. ix. Ie circo hi soli apud omnes catholicos tractatores ecclesiastici appellati sunt. Cleros autem quia grecum est & ab Augustino super psalmū lxxvii modo hereditatem modo sortem significare dicitur: Iccirco si ad hereditatē referas vocabulum: certū est quia omnes nos tam laici q̄ ecclesiastici mēbra sumus & coheredes Christi vt idem ait Paulus. Sin vero ad sortem spectes: tunc sicut a primo Iulio Cæsare omnes deinde imperatores Ro. Cæsares appellati sūt, Ita a Mathia apostolo q̄ni primus ordinationē suam sorte accepit omnes deinde ecclesiastici dicti sunt clerici, tanq̄ diuina quadam sorte ad administranda sacra deputati. Et quia hęc omnia ab initio nascentis ecclesie diuinitus ita cōstituta sunt: nihil nobis harum rerum, quin nec ipsa quidē nomina iactabūdus ille Luter auferre poterit: sed manebimus ipso volente nolente sacerdotes, ecclesiastici ac clerici vt semper fuimus. Vtinam vita nostra dumtaxat in melius reformetur.

Die weyl du dann gern gewolt/vñ vns doch/got loß/nicht hast mogen abia gen oder nhemen/will ich dir, damit du merckest dz Emßer schwert noch schneyde / der spies noch steche/vnnd der degen Breche gar ein alte scharren in deyn Kyrisch machen/vnnd dir ein steyn auß dem Bret nhemenn / den du nit gern vorlieren würdest. namlich den Hochgelerten Herrn Willhelmum Budeum / der von dir in eynem seynem sendbriff also schreybet.

Clausula finalis ex literis domini Wilhelmii Budei ad eximium sacre Theologie Doctorem dominum Ioannē Cochleum ꝛc.

Quod si recta ratione i clarescere, Martin⁹ ille institisset, cu  
D ij

ius tute in fine epistolę tuę meministi: Aut nisi blandienti-  
bus primordijs cōmentationum tranſuerſum ſe agendum  
aurę populari dediffet: non vtiq; id in ſeſe facinus admiffi-  
ſet propter quod ab aduocatione bonorum ac grauiũ pro-  
tinus defereretur. Etiam ſi ( vt fama eſt ) hodie poſt dam-  
nationem quoq; circumfuſam trahit turbam. Homo ni-  
mirum ingenij impotentis: Qui cum e periftylio abdito.  
abſtruſaq; exedra in ſcenā ſua vi productus eſſet: primos  
actus fabulę mirificos ſimul ac graues, cuneorum plauſu  
& admurmuratione, orcheftrę etiam coniuentia & aſſenſu  
non nulla ex parte exceptos, dira ad extremum catastro-  
phe. auerſandaq; cluſit ita vt totius caueę reclamatione,  
cōfidentia propemodum veſana ilicet obruta ſit. Vale vit  
amice ac preclare iam exorſa foeliciter detexe Diuiniõne  
ad aulam quinto id, Iunias M quingent XXI.


Dise wort so Budeus schreybet zu  
Cochleo lawten zu tewtsch  
auff dis meynung.

Wo diſſer Martinus des du am end deynes ſenn d̄: iues ge-  
dacht haſt/ durch erlich redlich weyß ſeyn nhamē het wollē  
erleuchtē / Ob Wo er do ſeyn orſte Bucher dē lewtē etwas  
angenhē warē/ dē m̄atel nit nach dē wind geferet/ vñ dē ge-  
meynem volck het wollen liebkoſſen/ So het er im ſelbs d̄ye  
ſchand nit auffgethan/ noch alſo gehandelt/ das er vō vor-  
tedignng fromer vnd dapfermänner ſo bald vorlaſſen wor-  
den wer/ Ob er gleych als mann ſagt noch hewt bey tag/  
vñd noch dem er ouch vordampft worden iſt/ vmbbringen  
de menig an im hangenn hat / Ein m̄nſch ſonder zweyuel  
eins onmechtigenn hyrns oder vorſtandes. So alcher do er  
ſich auß ſeynem abgeſonderten Cloſter/ vnd finſtern cellē/  
ſelber durch ſeyn eygen gewalt vñd vngewungen herfur-  
gezogen/ vñd das ſpil orſtlich ſo wunderberlich vñ dap-  
fer angefangen/ das im der gemeyn hawff mit ſchallet vñd

zu siele. Dartzu die hochweyssen ( *Orchestra enim locus senatorum est in spectaculis* ) durch die finger sahen / vnnnd in erzlichen stucken mit stymmeten . Hat er doch den letstē außgan dieses spiles / so mit eym grewlichen vnd heßlichen end beschloffen das seyn vormessenheyt / die do nahet vn = synnig vn̄rosend ist / mit widersprechung der ganzē Chri = stenheyt gedempfft / vnnnd vndergedruckt worden ist ꝛc .

Mit diesem hochgelarten mann Budeo stymmet ouch / die Hohe Schul zu Pareys in Franckreych / Stunica in Hispanien / Leus auß Engelland / Radinus vnnnd Ambrosius Catharinus in Italien / Der Bischoff zu Meyland in Lō = Bardcy. vnd in tewtschen Landen die Vniuersiteten Coln / Lofen / vnd die rechten Bewertenn Theologi zu Leyptz / Ingelstat Thubingē Franckfurt an der ader an ander orten dartzu / der Papst mit allen Cardineln / vnnnd ob das noch nit genug wer / Wollenn wir die Keyserliche acht zu hilff nehmen / vnnnd den Ketzler / der vns vortreyben wolt / selbs auß dem land iagen / Vnd wider in seyn vater Land gen Bohem schicken / damit wir seyn loß vnnnd Tewtsche nation wider zu frid vnnnd einigkeyt gestellt werden mogē dartzu helff vns got vnnnd all seyne liben heiligen Amen .

En vt vbiq; iaces miserrime cataphracta . Adiuro igitur te per christum filium dei viui . da honorem deo , & ecclesie eius sanctę . Non cupit Emser mortem tuam , sed vt conuertaris ac viuas . Vale etiam si potes ex Dresda Illustrissimi ac Christianissimi principis Georgij ducis Saxonię ꝛc in clyto domicilio Idibus nouembri = bus anno M D xxi .



Faint, illegible text at the top of the page, possibly bleed-through from the reverse side.


Second block of faint, illegible text in the middle of the page.

Third block of faint, illegible text near the bottom of the page.



77 L 1052

X2123587





# Emser's bedingung

auff Luters oisten widerspruch



Idem ad Aegocerota suum  
Parue caper, non parua subis, sed gratia parua,  
Quin tibi nulla nisi pessima vulgo datur.  
Maecte caper, sanctis calamum conatibus vrge:  
Quod tibi terra negat: coelitus astra dabunt.